



佔畢齋

共八

~ 16
2368
2



和
號 2868
卷 8-2



佔畢齋集卷之四

開雲浦二詠

處容巖

嶢嶢數大石斗插滄溟中異人出其下生長陽侯
宮魁顏與詭服恍如載非熊遊嬉自娛悅未聞亮
天工長歌明月夜舞落交衢風一朝三花樹颯若
凌烟虹至今門闌上仿佛看遺容

冬栢島

昔善山人金陽普與邑宰游此島酣
醉將還舫覆與妓三十餘人俱溺土
人云島中多蛇陽普之遊也一蛇出殺之
值此變

春光暮小島雪裏蒸紅雲鰓波四五里爛若錦繡



紋伊誰恣耽樂歌吹蕩海垠錢龍故多猜白日驅
妖氛蘭橈忽失手魚腹埋紅裙年年看花節空將
冥紙焚鶴城千載恨漂盡南威群

次晉州尹判官淑詩軸韵代都事成士元士
元嘗與尹同直文昭殿

名途同發軔飛步屬清時行笏趨青瑣圭璋捧赤
墀襟期初若淡義今久難虧我願甘棠佐君還墨
綬垂良緣非邂逅勝處更追隨歲月看馳驅機關
付伎見傾瓶談古簡促膝聽哀絲自是神交密何
勞貌敬施樓臺酣晚雨天地繞深危握手歡方洽

歌驪勿訝遲

代士元寄其從兄成判書任

日下遙遙白玉京天涯倦客不勝情鏡中忽覺顛
毛改馬上難教髀肉生歲暮葉衣縫欲裂夜寒姜
被夢頻驚朞期正及新年律許伴鸞凰舞六英

代美人和世蕃

華樓綉幌臂初交密剋佳期度別宵枉向蓬山成
悵望當時已作漆中膠

有時携被宿榆川共指銀燈發粲然雨散雲飛知
是夢愁看破鏡上青天

離腸寸斷耳無聞生死關前路已分二十一圓吞
下後惺惺魂返却思君

偶隨女伴強為客嗚咽幽閨首似蓬三納弓彎何
處用紫羅久已斷行蹤

士林紬被共君眠三日蝸廬了宿緣別後從教傍
含笑琵琶悽咽夜如年

早晚君須夢益州別來無乃歲將道何時信手拈
銀鐏細捋霜鬚共倚樓

臘月凝川一朵梅丁寧驛使莫空回銀魚嚼却同
心結為問春風來不來

薄偉山頭不放山阿兄阿母共愁顏何時日暮榆
川路再度看君跋馬還

兩泣嶺在寧海府北三十餘里

一年五踰西泣嶺每凌絕頂神飛揚松杉猿鶴盡
相識天籟嘈嘈披我裳要傾滄海崇金罇太白諸
山為飮餽僕夫控馬何勤渠疑余騰躡攬星宿
冬至日長驂柿峴遇雪時觀察使節度使同

行向慶州

海澨今冬暖尚新一陽生日恻凌晨熊旌豹毒纒
橫處造次花開及小春

十二月十一日欲雪中夜大雨忽誦荆公各
據枯梧同不寐夜深聞雨落階除戲作

春蠶食葉隔窓聞夜半還驚雨側盆海上起予誰
氏子據梧唯自嗅朝雲東坡妻名朝雲

董戎樓四時用鄭觀察使文烟失一首

脩脩苦竹鶉鴣鳴春思撩人晚倚楹又見海門花
似錦未妨賓幕酒為名雲迷荒戍舢艫集草賦平
原組練明縱有龍韜何處試維城况復作長城
鸛庚怕熱寂無鳴海口清風滿畫楹已喜泛蓮能
却暑須知學釣小遊名蠊螿洲上遊人聞鴈驚池

邊返照明醉罷碧筩仍極目故鵲閃閃度層城
匣裏青蛇夜夜鳴幾將雙手拍軒楹三冬雪案誰
談道二載轅門自竄名愛日微城每喜動鸞亂
颭海濤明若為渴盡在龜窟空立平林桑作外城

軍中雜詩用鄭觀察使韻

薄暮簫笳咽遠天三軍投石盡樓前醉中嘍嘍爭
臚句何事書生又戍邊

扶桑日上蜃騰天對馬諸峯落眼前聞說更南瀛
海大不知何處是中邊

滿郭腥風三月天河豚石首烈巖前海師刺榜舟

如葉釣向回汀阿那邊
元戎旌旆拂晴天封豕哀號拉馬前軍校靠蹄猶
未了又駘文豹簇溪邊
魴魚牧裏樹籠天虎食驛驢孰敢前一箭橫穿血
如注擊痕猶看鱗崖邊
乘矢穿雲入碧天輿僅收拾布侯前恠來破的年
年慣祗為從戎在海邊
幕中羅綺豔陽天曼曼鳴竽曲檻前二載雨雲渾
不管醉眸常闖斷鴻邊
大和樓下水如天魚鳥依然几案前招悵伸手難

可作詩魂疑在澗梅邊
去歲楓宸下木天唯應中酒百花前大平幕府無
餘事只有畝心在日邊

和崔說書

幕府無籌策孤城有所思夢魂饒鳳闕蹤跡近天
池自信如馮衍何勞問客師看君詩語好還似對
丰姿

海上三山遠空看水渺漫只應賓出日不用操猗
蘭落筆從教橫談兵且自歡知君有高義終欲托
風翰

鮑石亭

鮑魚背上水灣環羽葆隱映松篁間宮中衡石久
不用却憑被襖耽餘閑君臣拊髀看流觴鼙鼓忽
動金鰲山君皇輦路盡奔迸虎旅何人謀拒關鮮
血自汚甄王劍滿朝狼籍如茅管宴安之禍不旋
踵須信辰韓天步艱當時廟社已荒燼唯有片石
千古顏我來弔古獨長嘯風愁雲慘溪潺潺

和淡叟韵呈孫鳳山二首

曾將交態大書門林下仍開獨樂園
渡莫光陰留不住麥胎梅子竹生孫

年來袍笏已還君高卧何嘗夢五雲
燈火吾伊北窓下却教童稚亦能文

次咸石崇柳溪亭韵

勢利紛紛不足營溪邊節舍有餘清
籜冠裁了看雲岸林酒澄來得月傾
淺溜魚遊搖荇葉垂揚雨過聒鶯聲
眼前花鳥天機熟吮筆時時細寫生

咸善花鳥

柳溪咸之亭名

三月十八日雙山與家人分路而別家人時
往謁郭叔母

君泛金灘向冶城我渡茂溪馳長亭一水相望二

十里元央今飛無限情
見子啼飢馬帶癡君獨歷
險行艱關金陵環堵不多遠
北窓燈火還團藥

仰川望善源村居時善源應舉在京

故人三逕向鷺梁
烟月閑籠止止堂
輦下何時同一醉
春衫應惹廣寒香

四月初四日權僉知揚內翰守泗與余同乘

舟金遷小酌過月落灘時三妓從焉

緩掉吟過月落灘
便風獵獵助清歡
江花未慣詩腸損
笑却樽前不折看

可興站

嵯峨鷄立嶺終古限
北南北北人闔豪華
南人脂血

甘牛車歷鳥道農野無
丁男江干夜枕籍吏香
何

婪婪小市魚欲縷
茅店酒如泔醜錢喚遊
女翠翹

凝紅藍民苦剋心肉
吏恣喧醉談斗斛又討
贏漕

司宜發慚官賦什之一
胡令輸二三江水自滔
滔

日夜噓雲嵐帆播蔽
峽口北下爭駮驪南人
感頽

看北人誰能諳

初五日鹿巖山獲猪飲于江磧上品官及僧

戒勤亦持酒至

艤船鹿巖口共逐鳥
將軍山花拂馬落澗
草侵衣

薰不用愁回祿還須問德雲江頭拚一醉漁唱月
中聞時青龍寺馬廐火以品官奴僕所為社主來龍擊後者棄馬六匹而去戒勤使人叱還之

戒勤宿舟中明曉以詩告別次韵

青龍寺下停蘭棹無限鄉心更別君月落烏啼禪
話罷芒屨還却萬重雲

秦後灘上逢尹僉正愆

沙步欣逢駟騎南一江春水正接盤故園遙在疑
川曲送子情懷不自堪

泊驪興六言三首

神勒寺中看畫清心樓下維舟夜深風恬露濕

歌一曲芳洲

嵐消遠岸近岸棹過平灣曲灣舞纜多情白鳥推
蓬無數青山

大灘灘極險舟人云昔人以石跨水為橋梁不就其石隱水至今為患舟多靠後具達忠夜千人鑿之不克

鞭石誰為堰焦勞遺後人波濤苦騰縮舟楫欲沉
淪信命風還順忘機鱷可馴篙師才過險散米賽
江神

豆彌遇風泊南岸三人共登岸採薇

筓蔽恬時向日邊故山頻夢斷青烟誰知水次還

乘興驚足見拳滿一船

月下過豆彌院放燈者四五家初八日

數點村燈破暝烟
蘼波紅柱影沉沉
城中車馬應繁麗
只欠騷人擁鼻吟

楮子島懷韓文節公復齋

一江清駛一帆風
絕嶼維舟憶復翁
黃閣早稱如晦斷
太常猶記孔明忠
雨添石蘚窪尊酒
月淡汀蘆釣瀨空
當日幾人能勇退
至今東土慕衡嵩

端午

雪亭弓彎笑語顛
廣城無陌不秋千
故園枰樹童

童翠樹底人應戲半仙

仲兄南還善原有詩次韻

功名莫道負青春
且放高歌動四隣
雷電半空成灑落
林泉此日養精神
不將白眼看蒼狗
羞操南音向北人
記取陟岡朝夕望
塵埃無地可安身

和次公送子房之任龍潭

故園閑鎖逕三三
故夢參差繞菊潭
花縣簿書應倥偬
鯉庭風日政清酣
不憑鴈信音常續
却趁蜂衙吏兩參
珍重牛刀莫虛擲
會教麥穗頌張堪
騎竹兒童忽兩三
使君旌旆照溪潭
纔頌新政人

心別旋斤荒田雨意酣射利商多休借便病龍丞
在勿停參遙知冥寢疑香處笑殺稽康七不堪

戲寄永嘉趙通判

瑞廷

三年落魄海門秋豈料厭迹逐貴游春盡忽聞樊
素去情鍾欲向押衙謀瑤琴燭暗邀明月銀海雲
愁上古樓乞與夢魂收覆水夙緣終是護衣篝

贈遠

金釵鐘乳非吾事只喜轅門伴索居今日齋盃轉
清苦雲情雨意問何如

天祿閣中雙校時似聞拋葉學揚技使君不是沙

叱利猶喜牽連若藕絲

五月二十八日以忠清道省旨敬差官同李
師聖成時佐葭京宿龍仁明日至金山嶺分路
向陽城有作師聖向慶尚道其親在晉州時
佐向全羅道其父為光州牧使

三人共作金鷄使千里還分駟騎途客况我寧嫵
草草親闈君却得愉愉廡纖晚雨拋愁思依約鄉
山想畫圖王事有期休惜別月圓復缺返神都

過車峴

車峴南人勿借津斯言如戲復如神那知五百年

將盡一朶完山紫氣新

六月初二日阻水連山題窓闌間三首

湖南六月蘇枯雨白水縱橫平楚間京洛故人誰
記我王程今日滯連山

連山館裏坐如癡瘴雨霏霏無斷時唯有柹禽將
數子啣虫來坐海松枝

尼山連山兩遨頭病不出門誠可憂生憎題字大
輕薄一枊松醪醉即休

息津路上望全羅道諸邑

澤國江山處處陰巒烟瘴雨靄離心全羅未到吾

能說南紀之南地更深

開卷寺途中

寺廢餘喬木青青野蔓新洞中間地籟巖際見天
紳澗雨晴猶落林猿近欲親鷄龍雲不散愧殺禱
衛人

金山村莊阻水寄鎮甫

鷄竿使者却征騶阻雨關山剩滯留委巷泥深應
沒馬平原海濶欲操舟拮據已失佞昂勢挫狂瀆
寬縲總愁咫尺東鄰同萬里行聞林外一聲鳩
渡黃澗回巖水時積雨水涵涌可恨縣吏十

餘人以有輿渡予更云青山縣前川亦深
陰風吹苦雨咫尺道路難征夫懷靡及豈容久盤
桓睨此澗谷水瑟縮心膽寒臨深尚有戒何況蹈
狂瀾吏胥似平地笑我顏無歡藍輿擔以渡倏若
乘風翰悸定復勤問何處青山灘

雨中入報恩

我行少晴日點盡素中衣野水肩輿渡郵人驛馬
斂草根喧鼓吹荷葉瀉珠璣京國雲猶暗回看欲
奮身飛

次韻洪州東軒監司有挽留之志求賦

海雲蓬勃火旗長醉把荷筒噉薄涼自有樓臺能
却暑不須臨水樹千章

莫怪南來大瘦生聖恩深重覺身輕洪陽六月留
連醉竿上金鷄苦勸行

渡新昌大浦有益商僧藏船南岸借渡不許
有一人號勸農負子而渡予償以兩籠

白浪隨潮只濁泥野翁同渡費提携齋僧莫向征
人笑已免渾渾烏脚溪

次平澤東軒韻

澤國薰葭一様平對田輸與土豪耕行人不管居

民事卧聽林間布穀鳴

宿牙山縣

茫茫枕海縣鬱鬱饒桑麻坐為浮議搖山川如剖
瓜由来考工地豈容肥私家復故不旋踵民物生
光華我来卧堂堂風雨旁橫斜青燈叩顛末老吏
爭悲嗟太守慎拊循勿放黃紬衙

次韵善源病後見寄

瘴霧薰薰綺里居寂寥數日正愁余已將佳句摛
幽抱不復重雲翳大虛禍福聽天君失馬機關付
物我知魚樽前共擬看明月古井梧桐葉漸疎

次善源止止堂韵

多君與世兩相忘山影川聲共一堂黃卷枕風春
睡穩素琴携月古心長宵中已辨吉祥宅眼底能
拔雲水鄉應笑卯申奔走客烏鞞常向輭紅忙

用前韵答遠人

行雨放時誰挽斷臨鸞頓處惜離君舞衫歌扇今
拋却一段良緣且自如

花山明月晤歌時恰是東風豈蕊技好向北堂供
笑語釵頭他日冒蛛絲

送金進士訢如榮川謁外祖

六街炬杵已秋聲
嶺路風烟激眼明
清婉少年隨鴈去
龍鍾野老殺鷄迎
莫將騷語吟紅樹
須向閑齋對短檠
看者離涼露
頭角斜應萬事足平生

猿子成化三年日本入來獻

通如健兒臂
斲却老僧顏
身已棲清禁
魂猶落故山
母腸應自斷
海舶謾空還
叫月葡萄下
依倚弄玉環

書駝馬契軸

南臺深處老風霜
二十餘人若鴈行
挺直應須參古栢
斥邪終不愧神羊
後知義分無毒角
逢着時

情幾激昂日日哄
堂真樂事他年豐
悴莫相忘

唐紙十枚送磬叔
求其兄判書筆

中原側理滑難如
惛在中箱十載餘
春蚓秋蛇元不稱
若為留得大蘇書

中秋 王世子代祭文
昭致與李校理幹柳
校理休復權典籍
俱為大祝有作

枚枚原廟敬重門
穆穆金波麗掖垣
忽聽烏鑿隨鶴駕
更看香穗泛犧樽
小心須信神能格
細字休誇眼不昏
七德諦觀堂下舞
先王端為示仍昆

禁中白鵝

紅蕖蒼苔映雪衣御溝清淺欠危機秋風偷眼看
雲漢舊侶微茫何處飛
江湖心遠翅翎短鼉鼉梁不自窺一啄更遭家
鷺嚇岸邊斜日立如癡

送崔監察榮赴晉州通判

暫辭柱後綰銅魚千里雄藩足簿書行出都門莫
淹滯府中虛却璟題輿
紫萼青鐵敢言功佐察頻呻正要公上下雷同非
美事亦須料理異為風

玄舍人母李氏挽章

七袞從來少三醫事可嗟欲知閨閫德須看里閭
鑿冷露棲萱草酸風落薤歌時人富蘭玉孰與紫
薇多

舉案當年敬舍飴晚歲權籩々方愛蝶窠々忽乘
鸞有子悲風樹何人拾玊環唯餘舊紡績狼籍篋
中殘

誰見和熊勸學初兒郎袞袞入中書他時賓友如
相訪為記三遷孟母廬

中饋何曾炊麥糜萱闈春日想舍飴母儀閨範無
人識須倩張林勤一碑

我有庭闈不自飯區區才廩計多違如今謾忍還
鄉浚未濺藥藥老子衣

佔畢齋集卷之五

羽陵行送金進士尚簡之蔚珎時進士之父

博為縣令

千山一點滄溟中若非羽人那可到洪波百丈激
雷雨蝸象天吳自顛倒至今恠殺異斯夫木獅載
八羅威稜乃知客星犯牛女事繁慌惚猶能徵緇
羅千載不復通生死自作桃源民寒暄榮落是曆
日黃金紫貝寧為珍尊公剖竹在東滄正與異境
遙相望安得隨君賦遠遊軒峩大艣凌風翔蓬瀛
咫尺招群仙咬素絕嶼同聊浪紅塵挽我不從容

送君夢落楓岳東人間義馭幾濛汜山上蟠龍應
結子

送善源還伽伽舊居五首

吾年近不惑昧昧尚面壁與君久比鄰夜夜同燭
光脩綆汲古井幽思回剛腸僑居稍相隔風雅還
茫茫况此歌驪駒兩鬢幾莖霜

善源乃允間世俗自蒙耳喧喧蟬噪中泯默追正
始寒菹雜書卷氣味誰得似康成在蓬葦猶能化
鄉里懷哉不可挽障袂空從倚

蟋蟀入床下唧唧催功裘每得故園信何心問田
收八蜡不自通鬼神亦堪羞君故正浩蕩不作耨
梁謀逐祿但嘖嘖鄙夫將誰儔

我住不為住君故不為故明春大庭策非君且誰
期我家有鶴髮行將舞萊衣何假叩黍筮人事當
如斯只恐北與南鷺鴈兩相違

伽山有紀堂有徽有瑤草伽水有潭瀨有魚有符
藻採雲復漉月可以資談道雖微食方丈山水澹
忘老會當從之遊物外共探討

次萬岭臺卷閑亭韻

盧龍仁缺堅父川寧
村莊自扁也

八窓嵐霧更晴曛坐覺湖山氣候分水落溝塍霜

送君夢落楓岳東人間義馭幾濛汜山上蟠龍應
結子

送善源還伽椰舊居五首

吾年近不惑昧昧尚面齒與君久比鄰夜夜同燭
光脩綆汲古井幽思回剛腸僑居稍相隔風雅還
茫茫况此歌驪駒兩鬢幾莖霜

善源乃亢間世俗自蒙耳喧喧蟬噪中泯默迨正
始寒菹雜書卷氣味誰得似康成在蓬葦猶能化
鄉里懷哉不可挽障袂空徒倚

蟋蟀入床下唧唧催功裘每得故園信何心問田
收八蜡不自通鬼神亦堪羞君故正浩蕩不作耨
梁謀逐祿但嘖嘖鄙夫將誰儔

我住不為佳君故不為故明春大庭策非君且誰
期我家有鶴髮行將舞菜衣何假叩黍筮人事當
如斯只恐北與南鷺鴈兩相違

伽山有紀堂有徽有瑤草伽水有潭瀨有魚有符
藻採雲復澆月可以資談道雖微食方丈山水澹
忘老會當從之遊物外共探討

次萬岭臺卷閑亭韻

盧龍仁缺堅父川寧
村莊自扁也

八窓嵐霧更晴曛坐覺湖山氣候分水落溝塍霜

後見風生竅穴靜中聞年華也任千莖靈野興頻
賒一甕雲堪笑老來乾沒者天刑人禍不饒君
野外輪蹄少壺中歲月深但傾無事酒肯作不祥
金古調吟黃菊清風入素琴終然棲畎畝長有祝
堯心

歲月休將問曆家菊花看了自梅花萬冷臺上從
頭數來日無窮去已多
白石清泉即故鄉芝蘭何處不馨香主人正是三
休老管得閑中日月長

十月初六日 上命本署印進帝範訓辭是

夜喜而不寐

文皇帝範如從事天下真堪運掌中可是永徽師
父訓晚年繼述只昏風
世祖明明有訓辭十條雖簡乃元龜鯁峯自是區
區地萬寓陶鎔亦在茲
帝範訓辭相表裏聖謨千載日星明小臣承乏芸
香署火急裝纘進邇英

挽趙別提籬

父母移葬

墳在豐壤東十五里許將為太

移葬于某原

劈開長夜移蒿里華樞容衣更儼然好向新阡妥

精魄周遭不異舊山川

書金貴一詩卷

貴一慶州吏也從歷等監司為營吏頗有能稱又募為驍勇從韓上黨君戍北方李施愛之亂又從軍得免吏役求詩於群公積成卷軸若守政丞仁孫黃政丞守身金叅判淳曹叅判孝門等詩皆在焉

瑇琳在王府鉉石猶克貢小阜有苓木盡入湯劑用丸物無棄材斯人况磨礪能將刀筆手六鈞時自控棠陰昔醇謹揄塞今飛鞚幕府上首級身已

脫儻從矯矯幽并兒縮手不敢縱柔揄尚非晚將相寧有種所貴願初服要為鄉里諷勉記諸公詩詩語俱鄭重

又次諸公韻

身佐爰書自妙年如今馬足踏燕然功名須為仍雲勉平地終成尺五天

大行大王挽歌代任西河作

曄曄三韓主功隆道更尊沉幾能先物神畧自亨
礼樂看周制蠻戎慕漢恩憂民誠惻怛事大賚
便蕃釣築收賢輔圖書演聖言詰兵非有警開甌

孰含冤盛業今如此孫謀不可護方期蒿嶽笑忽
駕帝鄉軒夜壑舟何在天衢日已昏民心同考喪
臣涕特瀾翻代邸瞻龍躍虞廷忝駿奔崇班真越
分厚賜每兢媿未得酬天地還悲敵寢素儀辭
殿閣苔霧暗川原復土依遺令因山示後昆此生
知亦已獨立向乾坤

又代人作五首

周道方還恭堯年未勸勒仁威侔帝則禮樂煥人
文卜世超三代賓空擁五雲蒼梧悲寶仗不復御
南薰

猗蘭光奕葉丹極觀飛龍盛烈家為國深仁草偃
風憂勤遺劔舄縞素泣臣工十四年間事煌煌汗
簡中

赫赫中興聖明明庶事康精微洞義畫制作邁堯
章末命纜憑玉丕圖已係桑小臣摹日月空有涕
霑裳

東海提封遠青丘日月明文章輝黼黻弼令亟雷
霆未擬舟移壑俄驚夢滅齡徽稱二十字千載照
丹青

儉勤師大禹勇知邁成湯霄肝貽謀遠文明履運

昌煌煌金鼎藥忽忽白雲鄉空抱胡髯泣光陵慘
夕陽

金三宰既毋氏挽

手拋奩具閱堯奠富貴居然過一生浮世九旬為
聖善崇班二子擅光榮兒孫擁路轎車逗風雪潭
山梓樹鳴誰向佳城偏慘戚水流花謝本無情

聖善暗用衛風

寒夜戲書壁

坐具仍兼卧具施騰騰隨分省營為脚婆不作寒
氈伴况有心兵起小姬

獸君如金山

汝故緣病毋吾滯為新君歲晚誰相守天寒不忍
分開亭宜少睡盜賊動成群更念方髫稚難解道
路勤

十齡入小學汝已後於吾聾瞽吾猶患箕裘汝可
圖存心從唯諾為學慎樞趨突弁今無幾殷勤導
聖謨

新春闕下

騎馬青門裏探春紫閣邊家家競投璩曲曲已飛
為老雪封宮瓦晴烟暗市廛故園梅意動何日賦

畝田

夜踰草岵

層巔空送旅深夜叱征驂雪色千巖縞風聲萬目
酣貪程迷鳥道回首過龍潭却喜東華客身今在
斗南

冶爐叢衣洞喜善源至次其韵

石路荆榛手自披鵲聲簷角報人知憑誰畫出青
燈下共燃吟頰覓小詩
辛夷花樹欲離披春到山村忽得知王事數旬拋
景物故人先我有新詩

蠶石樓効郊隱

高樓明月梅花時造物撩我拚一詩
衞巾青鳥集錦筵醉興未覺繁華衰
光風泛溢靡蕪渚渚邊楊柳斜陽遲
欄干倚遍望雲海鐵笛暗和飛瓊詞
丹丘何處擬可到鏡中不怕霜毛垂
戕與天公拍手笑傍人爭道一段奇

海上曾聞第一區春風來倚仲宣樓
自嫌塵土迷清賞豈有湖山負勝流
故故梅花迎酒笑開開屬玉向人浮
白雲東望庭闈近不用閑愁滯遠州

蠶石樓雜詩寄贈安東趙教授
昱曾任晉學

有所盼嘗著香夢錄

酒闌孤月下西廂隔岸人看盡燭光恠底梅花更
消瘦空階一夜有微霜

上渚下渚春水生芳菲晴日滿簾旌漁翁款款鳴
榔返城裏人家盡月明

長林藹藹連蒼壁粧點臺隍晚色新倦客不知為
畫本攔干獨立數行人

小瓶春色最繁枝纖面蒼髯共一色翡翠飛來欲
偷眼樓頭正是捲簾時時折梅花冬栢各一枝
技神小旆置之案上

白白朱朱兩女仙虞庠才子故應憐依然當日春

風面香夢年來幾度圓

江水江花還有情倚樓人若永嘉城蘇娘絕嘆文
章妙曾見華牋絲華鳴人老華鳴紀所盼者語

馬上望智異山

塵埃三十年徒自飽山名今日晉陽路遙看未了
青般若與天王去天尺不盈諸峰盡兒孫亦各闔

崢嶸驅馳不敢暇亶亶懷雲高豈無濟勝具愧我
縛塵纓安得九節杖劉阮與同行柱到青鶴洞秋

風拾黃精

洛東謠

是齊美五

黃池之源纔濫觴奔流到此何湯湯一水中分六
十州津渡幾處聯帆檣海門直下四百里便風分
送往來商朝皎月波亭暮宿觀水樓樓下網舡千
萬緡南民何以堪誅求餅甕已罄櫟粟空江干歌
吹椎肥牛皇華使者如流星道傍觸體誰問名少
女風王孫草游絲澹澹美芳渚望眼悠悠入飛鳥
故鄉花事轉頭新凶年不屬嬉遊人倚柱且高歌
忽覺春興慳白鷗欲笑我似忙還似閑

宿青松府

一春逢轉此身孤已覺良辰失所圖
張袁栢香銷

欲盡萬山深處宿青鳧

閏二月二十一日路上風雪

臨河路上雪迫人風亦凶
饕共嗇春莫問天翁錯
號令清明烟雨逐番新

梁山澄心軒次韻

人物當時第一流精忠空想割雞秋
分明怨血薰
葭上留得滄溟萬古愁

新羅村堤上為此郡太守死於日本

烟景迢迢望欲流客情寥落却如秋
世間豈白悠
悠事坐對澄江莫說愁

次朱教授伯孫詩軸

巨琴點瑟滿襟期獨立春風自詠故今日敢叨青
眼客杏壇深處醉吟詩

榮川小樓次韻

班馬登樓強自寬殘春心緒即憂端
墻頭把酒紅
渠賦簷角鈎簾碧樹攢長嘯
可堪勞遠別浪遊聊
欲盡壞觀烏川物色供詩料
贏得吟哦賭一閑

鄭公從韶為郡守構此樓於池
我花有雜詠十五首鄭為川人

道傍松皮剝盡

骨立千株復萬株凶年曾不惜肌膚嗟我謾持河
內節豈徒羞煞汲大夫

星州次善源

楊柳飛綿麥有波年光隨處觸詩魔
春風過了雖
堪惜猶遣騷人管物華

嶺南樓次韻

登臨正值浴沂天灑面風生倚柱前
南服山川翰
海上八窓絲竹開雲邊野牛浮鼻橫官渡
巢鷺將
雛割暝烟方信吾行不牢落每因省
毋忝賓筵

戲贈表都事

村酒^死騰未易醒有人剝剝叩柴荆
枉教鷺起華
胥夢還似松間喝道聲

蕘
膏

遊鄭通貧池亭是日急雨

主人發天秘籬落成滄浪孤亭如危鷺載我浮中
央清颺動巾幘山翠溜壺觴魚遊簷影下撥刺聞
餌香白鵝刷其羽曲渚彌且翔飛絮罷嫩柳紫綿
搖海棠東阡與西塲橫綰供周章爭教車馬途辨
此水雲鄉聊將倦遊棕一笑酬年光森森萬銀竹
颺省驅商羊鏡面生亂渦藻荇相扶將須吏付一
快草木耿斜陽餘風舞漣漪送我吟聲颺羨君熟
幽興萬事不悲涼

家園散步三首

意竹閑遶小巖隅一掬清泉當酒盃開到棟花風
不定呼兒挈得袂衣來

揀得黃腸送玉京弄雛堂下又懽聲遲遲去魯無
人訝閑卸征輶立晚晴

正是山家筍蕨時况蒙地主送鮮肥一春生事皆
隨分其奈辭親又北故

忠州不得舟行時方載稅米議價不下吉貝
二十錠

一棹倦遊天所阻索錢如許惱行人琴休浦口携
家累又拂征衣驛騎塵

具起
作具

龍仁園亭小憩

驅馳數百日半日聊息駕玲瓏樹陰中愛此清風
榭使君早飛舄殘吏能迎迓亭亭荷萬柄罇罍襲
水麝小魚游且跳浮萍斲成罇隱几正熟睡山鳥
鳴上下夕陽在前川行人猶未舍誰知開輔地偷
此一餉暇岸巾更浩吟干板來警夜

駒興驛聞閔同年粹流濟州

已丑四月始修 世祖實錄乙亥以後職
帶春秋者皆納史草粹亦納之既而聞史
草皆令書本官名粹懼大臣見其直書其

惡而嚙之陰請于奉教李仁錫及僉正崔
命孫不與焉又要于博士康致誠致誠袖
其草出與之粹倉卒竄改不暇淨寫而還
檢閱楊守泗崔括寬見其塗擦洗補白之
李參議永垠永垠徧告諸堂上僉曰非細
事也乃聞于 上初正言元叔康啓史草
書名非古也恐無有直筆者請勿書名
上怒而不從至是副正金季昌告叔康史
草亦多塗改遂俱繫義禁府 上親鞫之
粹云臣所書皆大臣事也其大臣皆在實

錄閣臣慮為中傷故謀改也因大哭曰臣
獨子願續軀命 上惻然曰直哉予在書
遙時知粹之為人遂免死杖百屬濟州官
奴致誠初不以實對且妄引舍人成叔知
狀拷掠乃服遂與叔康慶斬命孫仁錫知
而不告杖百本貫充軍

作史頌人禍全生是聖恩海山佳處住莫散楚人
塊

非君負良友天鑑自昭融他日重泉下何曾愧伯
恭伯恭亢魏高允字

送金懷德 閔宗 還故居金作亭扁以靜菴蓮

其下

人間踏地有危機袖罷天風得得故亭柳待吟孫
翠線池荷供笑返紅衣檀公上策君能了賀監清
遊吾久違今日臨歧送行處不堪鄉國意如飛
僑寓興仁門內詠萱花

丹棘青裳一種心可憐生不在華林早提金質標
炎序散擢芳莖轉午陰豔婦競將紉雜佩愁人未
信破煩襟北堂渺渺天南極慷慨還為遊子吟
以兩六言

樹頭割垂龍耳變下聞丁子聲西鄰驚怕折趾半
夜屋倒墻傾
坊郭泥塗如海關河車馬不通何當混沌開關造
化政爾無功

六月日試春秋館藝文館成均館承文院及
本署文臣于思政殿月廊以曹操造問許劭
邵曰子治世之能臣亂世之奸雄人一也而
治亂有異何也終之以知人則捨惟帝其難
之予亦難於用人何以而可不拘古律以對
臣宗直應製曰

夷險方知偽與真始終一節是純臣子將藻鑑分
明甚益德亢非稷高入

二卯干城誰可捐由來才德罕能全佞隋未必忠
唐者自是人君所使然

英雄方得馭英雄草昧艱難只要切盜嫂或能基
漢業無知可是薦陳公

治世人材野弗遺心如其面或難知有才無行應
須別不是揄吡擊柱時

一舉身陶不仁遠九官濟之獻嘉猷後來用舍看
堯舜縱有工豈不足憂

巍巍舜殿日華新
鷺充庭翼聖神
草澤况聞搜
隱逸阿瞞可作亦能臣

田隱四時

安典叢名桑雞 世宗六王外孫

漫漫坡壠殘雪寒
勒東君弭玉節
園林忽值此
粲者桃李箭
梭盡愁絕
水邊籬落王孫家
尋香緩步看橫斜
縱有纖纒束唐突
一團和氣思無邪

右梅坡春色

南維赤緯劇焚爍
幽人窓牖涼於水
每當炎熱合清風
此君豈伊夸
毗子階除水日披襟當不數
亮傲羲皇錦棚雪檻誇
豪富爭似節齋六尺牀

右竹窓夏風

瑤空露洗浮雲滅
滉漭中庭流皓月
褰衣對影掇金英
便覺清香着肌骨
此月年年一撥光
纔添小草非尋常
懷家瓦盆何可負
不須更帶茱萸囊

右菊庭秋月

寒威履顛天地閉
萬卉如癡守根柢
胡為滕六更凶饗
唯有蒼官能蹕厲
東阡南隸光陸離
鶴氅緬想仙人姿
踏雪看松也不惡
判教清氣裝詩脾

右松臺冬雪

書夏官郎中契軸

皇朝集五

十五

簪笏峩峩珮璫長昌朝飛步屬周行縉雲俱忝黃
麻選武庫爭看紫電光仗下天街時並馬檄閣郎
署共銜觴歲寒莫負松筠操免被傍人舌轉簧

七月 賜承政院酒連三日翊日又賜詩及
酒詩曰三日雖既困莫辭予所錫此意非他
心宗圖永盤石在座者皆和進余時在秘閣

擬和二首

天顏不遠尺密勿龍光錫宮德歌鳧驚何煩協金
石
納言愧堯龍猥荷天厨錫報效期柔榆自信心匪

石

狎鷗亭代作

上黨君韓明澮構亭於漢水之南大明倪
學士謙扁以狎鷗取韓魏公之名亭也且
有記陳內翰鑑會稽陳贊贊子嘉猷張給
事寧浙東金湜等皆有詩本朝諸名公皆
賦之

東湖水一曲百頃青玻璃漁舟矴其瀨芳杜被其
堤高人愛冲曠結構非棖題暇日追勝賞罇酒費
提携機心漸銷遣竟與禽魚迷公來漚鳥集公去

漚鳥啼所以得公憐狎玩忘簪圭雖有爭席人婦
姑無勃磈海客豈同調忠獻聊思齊何嘗慕騎鶴
亦不希乘鷺九重頗虛佇難辭公膳難落日入東
郭攔街唱銅鞮

同前代作

揚柳薰葭似畫圖高人華構接蓬壺曾將玉貝柱
麟閣却擬黃冠故鏡湖把酒倚欄聽自和巾車入
郭月還孤撥心我亦些些在才到亭中忽已無
待漏院議政府文臣賦詩清字動

丹鳳門前擁火城蒼龍闕角看明星相君戾止整

冠珮院吏跪報鷄初鳴黼座金蓮燄未吐玉漏點
滴花外聲凝神端坐柱手板百慮皎皎來襟靈善
惡之幾只抄忽天下以之為重軫前有王范後章
蔡誰為院辱誰為榮宋室隆衰已陳迹箇中龜鑑
何分明三復棘寺瓊琚文千載炳炳如丹青我願
後來待漏人勿為撓揀為迂衡天工天職正吹萬
所貴激濁而揚清

送梁觀察使

順石

赴黃海道與徐判書同賦

羽儀曾會上扶搖睿眷仍將物望饒錦帳南宮叅
制作熊車西海採風謠掄材自幸陪談論問瘼須

知省教條寒菊朔雲離思苦憺惟何日却還朝

今秋與徐判書梁參議同在
成均試監試故五句及之

成判書任母安氏挽章

嗣音不獨家人饋教子爭希孟母遷風望早因慈
訓得生榮况與死哀全萱闈謾蠲蚊飛枕蒿里新
開鶴吊所我與三郎交莫逢西風相挽意茫然

崔主簿王閏挽

玉京底滯豈他心悵望林間反哺禽五馬未嘶桑
梓里銘旌空指白楊陰

自從孤幼當門戶浮世駸駸四十三天道由來難

可必斯人無壽又無男

送俞生負落第還咸陽

幽懷抱三未曾攄肯向朱門學曳裾故夢每迷天
嶺月貧餐不要漢江魚親闈歲晏重添線旅館更
長倦秣驢好把壯心謀後舉知君端不負詩書

太上太妃殿春帖字

崇
東臯初暖律永巷又春風福履同樛木千岭母道

王大妃殿

韶光回桂殿淑景麗金鋪肅肅陪長樂徽音自不

孤

大殿

疊疊三陽進熙熙萬象春頓令賓日地共荷發生

中宮

蘭掖條風早椒闈瑞靄新徽音兼福履輿頌達封人

歲除日有感

四十明朝至徂年難挽回不堪窺密室只怕動寒灰守道唯安分陶情且索盃兒童增意氣相喚賣

癡

佔畢齋集卷之六

睿宗大王挽詞

聖神文武應千齡共擬青丘泰道亨德布幅員渾
雨露威摧奸軌亟雷霆忽驚憑几音初秘復遵因
山制已成二載厚恩慚未報恭陪羽衛泣吞聲

同前

參決三朝際憂勤積恤中文明符帝舜恭默邁商
宗末命揚憑王群心慟弃弓龍章無復覩流淚滿
東風

同前

繼述煌煌業英明冠百王父臨繞二祀嬰慕徧群
方未罷呼嵩頌俄驚脫屣忙橋山何處是空望白
雲鄉

聞玄風以下大雪

南州大雪一文強茂溪以北山蒼蒼羈禽失木飛
且墜行旅填坑立不僵可憐冬候亂春候共訝炎
方同朔方是非非關遠遊子却喜梅花依舊芳

和鄭密陽亭

一州天地自清寧正是牛刀宰武城忽有汪思沾
鵲髮從知高義薄鴻真

贈日本西海元帥源教直使者

玉帳龍泉靜海瀾名香來進鷓鴣斑無端晤語賢
從事如對將軍萬里顏
從來迎犒遠人歆祀國天崩過八音客路數个空
軟飽交情賴是重南金

嶺外春風苦憶故憶故長是夢萱枝送君今日伸
吾孝錫類曾緣共秉爨

僕回程將首毋于密陽使
者知此意嘆曰我亡十餘
歲母在本國前年五月辭來以此飲心甚
迫大人明日間戲錄之樂為何也

浮天鯨浪一扁舟五綉風輕不自留立馬看君鳴
艦去熊神斜日思悠悠

作
伴

天吳飛舞海門開風送征颿却穩回他日重期雙
闕下知君專對定應來

僕承 殿下命津送足下還國艱關道路

得共盃酒之雅幾訖二旬今到齊浦臨別

戀戀有縞紵之懷聊以拙詩代為行贖不

足充源公帳下兒所看云皇明成化六年

二月初四日朝鮮國某官某識

奉東孫鳳山燕呈吳教授余時在村莊患咳

嗽

故鄉春興故相牽誅拂征衣下日邊草色未勻霜

欲盡梅花纔動月將圓縈懷鬱鬱文園病畜懶昏

昏子美眠珍重耆英應記憶身輕何處掉觥船

合浦李節度使克均送老母旨味以詩為謝

敦詩說禮氣如雲玉帳牙旗掃海氛壯志猶懸積

落柵威聲直壓棘門軍南樓風月誰陪賞止極星

辰早徹聞老老餘恩及窮巷蠻牋珍誦感斯文

吳教授見和復呈與仲兄同賦

竣事無人更挽牽故心還在五雲邊酒因多病神

難敵詩為傷春語易圓少女風前胡蝶舞辛夷花

下麝香眠毀川岸老熊容物早晚同乘雪月船

城主以黃魚十尾饋我大夫人詩以為謝
春風鄉國鱖魚肥五五朋來忽款扉鄰里不知臺
餽至錯將誠孝比姜詩

吳教授見和復呈

烏帽紅塵夢易空暫時酬咏杏壇邊自慚魚目忘
懷售忽賭驪珠滿紙圓鄉國雲烟猶百態御溝楊
柳想三眠憑君莫負樽中醪遊宦真同上瀨船
密陽東軒梅花初開吳教授及城主有詩次

韻

雪裏誰誇庾嶺梅南枝開了北枝開疑川二月春

春信莫問花魁材不材

一元消息訪寒梅却恨東風未放開擁臯忽然逢
粲者從教桃李不時材

孫鳳山用前韻作演雅以寄復和

意馬飄揚莫謾牽亂隨蜂蝶到海邊燕尋舊壘泥
初暖魚觸新荷露未圓輦轂以叨鸚鵡列林泉思
與鹿麝眠幾川堪着蝸牛舍桑可供蚕步有船
黃犬蒼鷹臂且牽閑驅狐兔野亭邊長圍豕突巖
花落寒食烏啼隴樹圓丙穴鱒魴俱厭飲窪樽蛆
蟻盡酣眠庶庶自慙非賀監誰言騎馬似乘船

後一首叙昨日擊鮮之樂時寒食日城主
邀予故于無訖朝下獲獐猪脫飲于高魚
山下會者南監察符安禮安億壽成南德
秀兼朴參軍宗九張參軍鼎也鳳山及吳
教授皆托故不赴故以此詩誇詡云耳

和東萊靖遠樓

千尋樓櫓陰垣堧蜃彩還迷張海邊睥睨夜傳寒
戍角欄干春敞故人遙青霄使節爭瞻峻荒徼兵
籌不乏賢二度見於猶幕府酒盃隨分且陶然

時今大司憲李克敬任僉知淑金副正李
昌奉使留飲于此余與成都事來會李李要
余賦之

和梁司直德富詩軸二首

少時青紫謾纓情塊夢年來不到京山郭水村皆
順境高情寧事孔方兄
鄉國春風亦世情也能催我返神京何當來結鷄
豚社溪友園翁共弟兄

孫鳳山吳教授復和演雅次韵與仲兄同賦

蝸角功名苦被牽鷗盟寒却釣磯邊豈緣蜚焰能
開暗自是狝膏易運圓款段每尋花下飲勃姑時
覺竹間眠年來世味如蟬翼擬問滄洲范蠡船
曳綫飛鳶不受牽惺惚鶯語竹籬邊泥露荇葉蛙
鳴開露坼花房蝶夢圓細數鴈行扶杖立閑拋雜

翳枕書眠春風猿鳥渾相念
頽更持螯泛畫船

孫吳和余二月梅韵走筆復和與仲兄同賦

野老年年折作藩群芳調笑苦相喧
玉妃遲暮柰賦命青鳥寂寥空斷魂
此日不緣永棗醉明朝只有蠟跡存
上林密地應多隙借問何人移故村

清州訪南溪道士明日却寄

南溪道士即慶友人延自號也

胡奴種秫南溪北赤脚拖菜南溪南
道人長甯閉關卧僻間自署南溪街
客來剝啄亦不嗔酒既吟冽穀豐甘
紅塵韁鎖誤人甚夜月未共薺皇談

四月初一日陪祭永昌殿有雨是時百官公

班入景安殿

鳳闕平明金鎖開百官分著兩般衰
殿頭清唱穿花出城上愁雲送雨來
仙仗東西非舊彩隙駒前後有餘哀
漢家奕葉真瓜瓞誰獻堯門萬壽盃

時永昌殿練服景安殿斬衰

和台甫書懷

誰家桃李得春偏零落還應惜少年
且向木犀看造化不將遲暮怨蒼天

平地危瀾詐有涯
官情如水復如紗
嶺南樓下誰相念
蹇鶩眠鷗簇暖沙

輦轂故來鬢欲華猶將八口寄人家
閑窓折得荼蘼看無賴東風驚地過

脚底紅塵歲月流鄉心無奈轉悠悠
木天高處慚非分他日尋君東海頭

和蕪善送春用國華韵九絕

濃綠千枝一點紅何人取次覓春風
年年不管花開落只怕樽中酒易空
醪醖送酒絕堪憐一斗傾來合自然
翁翁笑問皎皎質可能相伴到殘年
少日只饒心似絮中年爭柰絮為萍
萍隨流水潛

句引猶勝飄空無定情

由來野性懶乘時脫却韋弦亦不知
忽有黃鸝鳴樹杪又指病眼便尋詩

白雲天際想孤飛寂寞無人導
少微猿鶴相思莫相怨吾今緝得多荷衣

百世君看臭與芳十年吾亦慣閑忙
漢庭已召嚴徐輩不要伊優在社堂

誰能喚起卧龍來桂酒殷勤勸一盃
大地佳生望雷雨若為孚甲盡教開

時早甚過芒種猶未播已播者猶未甲拆

桑麻榆柳擁衡門一曲凝川數畝園
儘得空壚寤

次王故山回首每銷魂

山翁康濟自家身
須信堯夫語最真
愧我身猶未
康濟頭風疾送殘春

送台南赴蔚山帥府

崔侯同年又同郡
百里負米志亦同
往者論事罷
遺補橐鞬馳赴洛
水東洛水東
雞林南我昔試
作幕下士君今復
着從事
仁人言從事勞我道
從事好大和形勝
天下稀况值升平
邊警少戎樓明月
刁斗閑
蓮府風流非草草
呼鷹鳳皇巖斫鱸
魴魚津要領東海
八盃酌醉中吟興
生陽春詩跌宕酒

淋漓舞老校歌妖
姪真率常陪大府
歡豪狂且壓書生
酸崔侯崔侯勿遂
巡齷齪紅塵有何
樂金陵庭闈不甚
遠伏臘承顏也不
惡主人仁賢肯見
阻月日猶能致滋
味長安巧宦那可
慕人生適意茲為
貴從君更問列鎮
帥滿紙羸兵蘇息
未

陸馬移疾國華以
焦校書為戲書此
以呈建已之辰又
墮驢故人終不問
何如也知板齒依
然在金校書非焦
校書

直廬偶吟

驚劣那堪廁僑材
道山風日覺崔嵬
廟堂喜有懸

衡選經帷論思半草萊

漢陽端午

蒲酒相邀醉面紅六街塵起日如烘
畫橋絲索爭歡笑遮莫田家半殺空

五月初六日喜雨時與世蕃在經筵聽是日

開酒禁

北山層寸冒千峯甘澍潛隨昨夜風
共喜甫田皆甲斫應憐群意願年豐
感息便欲龍三酌乘興還思聖一
中日到高春纔輟講故鞍何惜濕金戎

紀夢

無端神變化有驗氣升沉沉瀼捫天
喻埃風擁袂吟遊山仍冒險觀水更
臨深危或騎雙瞎收猶聽八音霜鬚
逐臣色青眼故人心霽景逢花鳥長
途值雨霽歌呼逃北里羈旅飽南琛
得喪同雲雨悲歡信古今紛紜亂無
緒春夢不須尋

文武樓觀書籍

勤政殿左右有二層樓東曰文西曰隆
武奉化伯鄭道傳所名也自世宗時命
歲御府書籍令典校署掌出納

巍然文武樓東西正相對
回梯著脚罷忽見飛鳥背
勤政乃並崇勢壓終南黛
觚稜映采恩陽馬雲

靈霽規制真鬼功離婁目亦昧三皇五帝書戢戢
滿其內竒光屬奎壁夜夜不可晦半天落鮮颺云
香紛絳蔡蟬蠹不能欺如聞鬼神效且與烟火隔
貽謀之所在日月自行空文武道不廢基圖益綿
遠百王誰敢配微臣玷秘署咄此山野態檢秩每
登降恍如游沆瀣愧無王充才精神空儻儻

移居東小門下尹正孝孫家

僑居抵是愛林立不向青門學故候判斷市聲塵
晝寢刺饒詩興漲巖幽數年家具移來慣百世身
謀到處浮維鵲有巢能自擇傍人莫笑拙於鳩

書上洛君詩卷二首

上洛曾祖翼元公為左政丞時驪興府院
君閔公霽奉使往南方翼亢與諸公會餞
于紫霞洞府院君贈以詩曰金政丞孫金
政丞當時竹馬記吾曾丹青王化君家事
政事堂中日戰兢晉山君河崙為序金陵
奉使端木智政丞成石璘等分韻為詩是
建文三年秋也成化四年戊子歲上洛又
拜右議政徐中樞居正續是軸為序又命
予詩之

紫霞洞裏樹光秋見說神仙集勝流四坐雲璈驚
逸興一篇華藻振徽猷相規只為謙謙得莫逢須
因切切求友道猶存黃閣上清風長使簿夫羞
宵襟千頃自澄淸廊廟之姿值聖明滾滾箕裘傳
緒業煌煌鍾鼎勒勳名沙堤樹色三槐茂海域天
容八柱擎貽厥已應基址大願將霖雨答蒼生

次尹洪川志詩軸

大隱非林藪風塵豈敢加折腰羞齷齪懷寶謝紛
華老更遭熙運閑宜聽豔歌容吾陪杖屨乘興酒
須賒

菜畦莎徑類村家柰此明情鬱鬱何過了春風猶
閑戶當時醉伴覺無多

早綴鑿坡供奉班可憐無藥駐朱顏如今一覺黃
梁夢揮塵猶談舊日歡

東觀風流說二班誰知我亦早晞顏君能歷歷籌
人物贏得當時客君世宗朝以治平要覽書
寫仕集賢殿今已老矣每
說人才全盛時未嘗不嘆息

六月中旬聞慶尚道雨

聞道東南雨愁人喜欲狂稍梁雖莫及芋栗豈全
荒愧忝金華講思抄陸相方夜來多少夢一半在

高堂

世祖惠莊大王樂章

嵬嵬世祖寶天生德整頓皇綱延弘大業昭哉文
武煥焉禮樂創守隆功垂耀無枉右魏曲

維天命故一德集楨符烝哉我后手握瑤圖丕承
武烈闡文謨肅清內亂總攬權綱陽舒陰慘靖四
方黎民耕鑿鄰寇梯航便蕃帝賚受龍光纂禮修
樂制作一新貽謀燕翼裕後人於昭于天綏我思
成千秋萬歲啓隆平右天命曲

兼善吹我直廬詩復和

自愧平生襍線才澆來曾次尚蘿嵬如今丹地開
黃卷閑却長鏡斲野萊

中無抱負怨遺才正是沘涯欲陟嵬我不著書今
直閣虛名終愧呂東萊

送兼善奉使永安道

時永安道有蝗綾城君舉兼善令審虫旱
及救荒之狀兼賜節度使及五鎮諸將宣
醞八月初九日發程兼善曾為茲道兵馬
評事

龍荒父老揖風儀曾見轅門草檄時矯制尚容長

孺直逢山勿效孟陽嬉三軍共醉投河飲百里應
勞負弩馳關塞秋深轉搖落故來好和錦囊詩

文僉知修德毋氏挽

生榮無復憾駒隙亦堪悲舉案當時範闔門後世
儀龍津雲影合萱砌露華萎落日佳城閉臨風謾
涕洟

碎玉斗三月課

玉缺無功玉斗來鴻門饒鼓正如雷誰知啞啞重
瞳笑不滿皤皤亞父嘆怒氣崢嶸那識寶伯圖銷
落欲成灰當時不合為謀主臨死懼讒始乞骸

藍田寶氣燭鴻門玉帳謹聲動虎賁亞父撞來同
瓦礫沛公擲得賭乾坤謀謨不省堪生癭功業無
成謾觸藩欲佐沐猴圖四海老年才智豈堪論

龍山落帽月課

萬年乃佳士龍山真勝地况復九九辰三美忽相
值征西亦英物高會集僉吏盃崇菊花酒槃飮菜
羹餌談笑共舉白落日何辭醉是時秋氣高六幕
清飈至颯然吹鬢髮不覺烏帽墜眼底失紅綠天
公似相戲可人更有孫為文肆朝刺曠懷隘雲夢
何曾攬才思荅筆不停綴箇箇鮫人淚豈惟四座

驚千載歎風致柰何遺臭夫府中盡騏驥不謀復
中原但自窺神器都生竟入幕嘉也竄下位翻覆
在一瞥天數胡可諉緬想龍山圖還使人酸鼻

送日本蘭上人

浮杯到處即為家客裏隨緣度歲華豈以利名辭
薜荔只將忠信任風波秋帆未落魚龍伏夜月纔
高島嶼多遙想白雲行李好舊山應已罷干戈

又三首

不二門中早策勲扶桑學道孰如君通來脚踏人
間世還向松窓管白雲

海雲臺下浮天浸徐福祠前落木風記得千尋鰲
背泊金雞初叫日輪紅
海中都是羽人家負嶠方壺取次過遙憶夜禪商
榷處一瓶秋水自煎茶

鷄林懷古 月課

連雲草樹舊江山華表亭亭壓市闌石老鮑魚猶
片段城空半月自彎環誰教外侮輕周鼎終見降
王叩漢關千古金鰲閱興廢夕陽和恨滿孱顏

金中樞宗淑挽章代上洛君之父

謙恭仍謹慎處世自怡然志節追前烈箕裘付後

賢三槐祥已應萬石美堪傳樂事窮清賞流光任
暮年紅羅纔記姓黃鶴忽遊仙悵悵東郊道酸風
落夜泉

孝寧大君夫人鄭氏挽章代作

東平為善樂借老壽闡深福履家人頌儀刑戚里
欽收神仙府遠飛旒暮阡陰茂葛情何已西風淚
滿襟

天賦柔嘉德維城婦道尊一家膠木頌八袞誥花
恩白日仙蹤香斜陽綉閣昏欲知餘慶遠膝下見
玄孫

世家生碩媛早荷九重恩琴瑟徽音盛芝蘭奕葉
繁宗烟輝懿範髮珮斂芳魂相挽秋風外無端拭
淚痕

海市 月課

蓬萊仙人霞冠裳宿昔見之頎而長邂逅綽謔發
粲然袖中梨棗遺我嘗颺車羽輪皆所適九九瀛
海聊尚佯回看沆瀣澹如酒跋烏燁燁扶桑海
袖好事露光恠樓臺城郭連窮蒼九衢萬井隨指
點左右貨貝森開張車輿雜還屢肆間紈縠往來
皆胥商平生塵土慣遊息我喜返却章臺傍仙人

顧我顏不懼酌我勸我青岑觴靚纒角根未及已
忽有衝風來簸揚頃臯變滅了如掃下視鯨浪空
茫茫稽首仙人餉我厚若醒得醒痺得強涓涓塵
世競市利得喪盡是夢幻塲盈虛消息矧物理何
苦機巧徒劬劬坡翁達道素自負諉諸人厄誰能
詳癡兒何可與談夢且詠孟氏觀瀾章

狎鷗亭上黨府院君請賦

相公雲鶴姿遼天穩遊戲不侶遵堵鴻况偶炎州
翠遐情念舒卷江臯有時至華構絕蕭灑一片城
南地簷外山庚庚檻前江淠淠於焉披覽衣八窓

聊從倚灑露沁几席清颯動荷芰嗒然如喪耦豈
惟忘勢位海漚聖得知日夕爭來萃關關吐商音
皎皎翻雪翅連除驚效落群舉自相媚相公莞爾
笑何曾物我視中孚久已藝禽鳥亦不避縱饒滄
洲趣

明主共圖治裨謨嘗適野乃是謀國事安石遊別
墅何妨任重寄廊廟與江湖所憂無二致苟推狎
鷗心吾民其受賜公乎慎終始忠獻美專美不要
養冲素鶴筭猶可冀

同前代作

城南十里江如練探討何曾足重筵一朝華宇臨
芳洲千古天慳忽呈見燮理之暇携賓朋手中只
有蒲葵扇忘撥不獨漁爭隈漚鳥皆能識公面霜
毛雪羽絕纖埃搖裔飛鳴助歡讌不學巧語籠中
鷓肯作附炎堂上燕幾微一動色斯舉海客所以
難得便相公曾次無物我來狎還如被深眷陶鈞
萬彙舉此耳先憂後樂公曷倦中朝學士今歐陽
搗辭揮灑鵝溪綃知心不恨無其人事業當求忠
獻傳中朝倪謙作記

上黨府院君詩卷

府院君少時不得志薄遊四方聞徐公居
正康公孝文在北原法泉寺樞衣於秦齊
先生公與權吉昌擊亦赴焉後臨別徐公
書古風一篇贈之及貴錄徐詩為一軸請
諸公和之某將赴咸陽府院君並與狎鷗

亭索賦

有莘耕叟南陽翁何人物色塵埃中皇天老眼無
今古欲降大任先羈窮西原喬木世濟羨相公矯
矯人中龍早歲落魄不自樹宵中能辨麒麟功想
像負笈法泉社乾坤勝氣輸之東同遊諸子盡人

襟嘯傲巖壑皆清風豈止時事一朝改妖氛滿國
烟濛濛相公奮衣起東山手轉日轂成池紅經綸
開濟靡餘力鼎彝不足鑄勳庸英雄事業信難料
萬人平地看冥鴻何況兩朝元舅尊休戚肯與諸
公同舊遊回首入懷抱至今拍樹號秋空尋詩夢
到鴈塔下彷彿猶趁閣梨鐘

臘日 上奉

世祖神主附于大廟備法駕

還宮儀以外補未綴舊班有作呈國華

六日

今年臘日暖如春渠柳庭萱物態新位位闕宮傳

萬舞平平馳道燦三辰寬恩渙汗原輕繫法酒濃
薰醉近臣自愧一麾為俗吏朝衣未惹屬車塵

佔畢齋集卷之七

書許金山

混詩卷許為太僕與予同日補郎

金馬幾年為近侍
思親乞郡已三章
堂前喜有平反笑
水上忍照差科瘡
歲荒要盡崇安策
政舉須揮北海觴
明日漢江江畔路
共看楊柳眼搖黃

送楊學源以書狀赴明

嗟余得荒郡
送子客燕臺
春興復芳草
鄉愁應落梅
風搏承異渥
吏隱愧非才
早晚金陵月
同傾蘸甲杯

學士樓下梅花始開病中吟得二首

學士樓前獨立仙相逢一笑故依然肩輿欲過還
攀慰今歲春風太劇顛
春慵和疾過清明官况惛惛睡易成吟到梅邊幽
興動吏胥爭道使君醒

病稍間行春

病裏情懷一半新忽驚節序是陽春花光不減豐
登歲詩思全饒潦倒人但約吏民勤樹藝休將簿
領擬經綸東臯雨歇倉庚唱須把柴車日日巾

蘭竹二軸晉州鄉校教坊獻賑恤使右贊成

尹弼高

清風巖下國香回誰為皇華一併裁標致從來君
子行世間花卉認輿臺

燕尾龍雛伴靚妝誰知苦節與幽芳細看來自琪
花苑清玩真堪著廟堂

聞俞生負好仁落第還鄉寄詩

既與帝鄉辭庭闈慰所思休將泣玉淚枉洒弄鷄
時簿况詩書誤衰容歲月知急來須共賞花信尚
留枝

和廣陵君南原東軒韵代從事鄭可貞

南土生靈食已艱皇華到處盡歡顏自知從事無

奇策且愧支頤看故山
麥浪欲搖墻側畔花須猶
照樹中間良辰如此
危羸滿未忍輕輕說得閑

廣陵即李公克培時全羅道大饑公為賑恤使可貞為從事官

又廣寒樓韻

天涯弭節倚高樓
掛起簾旌不轉頭
風狂綠林山似拭
雲開盡棟瓦如流
冗中易記芳時恨
客裏還成古國遊
滿目閭閻尚枵腹
青燈舐筆思悠悠

送表上舍之咸昌成親

四月咸寧縣祥鍾
富貴家應尋新
斧約幾好瑟琴
和吉士吟梅實
長松托女蘿
青雲知不遠
為賀小

登科

和申惠翁贈聰上人

栢子香中禮鴈堂
啼鶻何苦怨流光
浮雲莫道無心物
朝暮隨風度澗岡
上人有子規啼苦之句
蝸角功名競自賢
山僧只解練元田
愧余一作塵埃吏
故計還愁落暮年

嚴川寺午睡

麥熟何妨省教條
偷閑整態野僧寮
憮然午睡無人覺
只有林間婆餅焦

宿嚴川寺

練元規
作錄丹

嚴川寺裏俞林我煮茗清談愜素期一夜簪纓彈
忘却灘聲驚夢忽尋詩

明日祭聖母廟有雨

神母廟前嵐氣熏瑤漿三奠雨紛紛回頭更向山
椒望猿鶴松杉盡白雲

前峰已失後峯青屏翳撩人不解晴誰畫遨頭一
叢笠滿村風雨看苗生

李錄事順之惠櫻桃蕪有詩次韻

薦廟恩頒是故常瑛盤火齊座生光如今野外筠
籠至忽憶金華帶醉嘗

答國華

自笑平生適越冠世情爭得耐孤寒少時問學和
熊膽末路聲名混鼠肝簿課只能拚盡諾親朋誰
肯報平安蒙君珍重金鑿詠觸撥幽懷仔細看

又答國華永叔

竦慵豈是薄淮陽只恨花軛未沐芳偶上頭流望
京國塞雲故盡日蒼茫

寄賀金壯元訢金今年為北亢者薦入玉堂

殿前聞道選青錢添却蓬山一箇仙自是心存溫
飽外懷中應得筆如椽

聞世蕃有妻服寄詩

一別三春幾度思况聞君賦悼亡詩玉堂轟飲應
無數也有醒來錯喚時

用國華韵寄磬叔磬叔時服未闋

惆悵何因見素冠頭流春盡眼長寒欣欣有夢同
騷雅悄悄無人共肺肝非是長沙投賈誼况聞金
馬召嚴安會當與子重携手殿後鞋紅把酒看

悶雨

時將流火遇驕陽多稼連雲欲就荒悶聽兒童呼
蜥蜴行看原野舞鷓鴣誰教天斬千鍾澤自識心

為一炷香太守無良民曷罪頭流空只聳青蒼

韓同年從俞惠桃蕪有小詩次韵

松竹閑元亮溪山擁醉翁由来同氣味何事未從

容

又

細梳有佳實來自浣花翁不是瑤池種猶堪澤瘦
容

山陰換鵝亭次李節度使克均二首

身馭冷然鶴背天赤熒當午似無權映雲雨脚憐
憐過隔竹花香苒苒傳已辨遊人眠薤簟休煩假

守示蒲鞭日斜江上聞漁笛疑在嚴光釣瀨邊
玲瓏華構樹陰重未省炎風最不中水赴丹竈清
鴻鏡山連青鶴翠磨空烟霞有分勤相逐杯酒隨
宜覺易濃為報吏胥毋涸我簿書堆案即塵籠

七月二十八日禱雨

龍遊潭也

兩崖束崩湍十里聞雷吼石狀自千萬其上多嵌
竇疑是神龍居偃蹇尋稽首

其二

蒼蒼天王峯雲霧若饒餽頃臆劃開豁草木繁可
數我行非為山膚寸胡不濙

其三

居民自團結茅屋臨溪水奮聞青鶴洞茲村無乃
是深慚父老言今有催租吏

其四

猿吟鳥復噪四山忽已暮回汀舉杜若葉葉沾涼
露聊就蒲薦眠秋聲在高樹

其五

行厨飯菰米夜依巖下宿擡頭望雲漢不見群豨
浴愧無憫農誠神龍應瞑目

書金蘭契軸金吉甫有請

四海猶將意氣求，况同鄉黨易為儔。春花秋月相
招飲，南埭西陂共釣遊。榮辱十年休自負，光陰百
代好交修。丁寧更結金蘭約，市道令人謾怨讎。
和朴司諫安性見寄朴余同年也時持服在

竹山

誤恩曾許左符，故猶着金華侍講衣。便合投簪
海去，故磯魚鳥夢依依。
知君高義薄雲天，忽枉山中白雪篇。聞道萬松無
鹿觸，風聲端向後人傳。

送姜與齡

陽山窮處正無聊，忽得琵琶音慰寂。寥早向北方聞
皎皎，却於今日看翹翹。秋風客况強如訴，別路醒
吟馬不驕。盃酒殷勤莫相捨，春來知子上扶搖。

晉州教坊歌謠獻吳觀察使

伯昌

滿江紅

鳳岫菁川人道有神仙遺迹，今又見喬卿冕服象。
先旌節，原隰風聲馳海上，瓊樓喚點蓬萊籍。便歡
情如許，水增深山增碧。

秋日淨，秋霄寂，期易失，時難得。儘洞房清敞，芳樽
明月，雲雨未排臺下。夢鴛鴦已暈，機中織，願星軒
流憇。一霎兒，娛今夕。

凡於驛路上記所見

九月青青禾未收八公山下不宜秋老翁拾得蕪
菁了背立西風滿眼愁

和鄭密陽亭

誰教玉上點青蠅菰米鱸魚老季鷹何處最宜陪
笑語菁川風雨五更燈

釣瀨時時笑子陵不將功業佐中興如今愧殺塵
埃吏却望青山學臂鷹

和朴盈德

青衫華髮忝專城田里愁聞噢咻聲魂夢只應尋

故國鷺梁鷺渚夕陽明

郡齋即事

頭流秋氣日稜稜曲檻踈檣却懶憑牆影半隈三
畝竹樓陰全護一池水使家下令真流水徭戶歲
姦若亂繩吏散客故欹枕睡夢魂猶自臥青綾

和國華見寄

莫恠絳康懶作書朋情猶自惜離居別來應得頭
銜改聞道新詩錦不如聞國華三魁文臣賦詩將
加一級

又次國華

北斗浮雲外南衡漲海頭酒盃思爾汝詩句失陽

秋自愧承流拙遙聞視草優著書今幾許不必為窮愁

十月連日大風

天涯長至後十日九真風發發晨方怒轉轉夜愈雄茅茨掀欲盡雞犬迸將空休咎那容議爐頭火政紅

苦雨

山中已流火陰雨久淹時不獨蜀天漏頻煩唐帝咨孤城深欲圯新黍濕難炊一歲災重疊民生那可支

立春夜彗星暫微

十二月十九日

旄頭夜夜弄天撈照牖光芒忽覺微自是吾王能警懼明朝應作彩雲飛

宿加祚縣

縣屬居昌高麗三別抄之亂巨濟吏民渡海奔迸于此遂僑寓焉本朝初還其舊土至今號此縣為巨濟又村名尚帶鵝洲松邊鳥攘等稱

桑柘人居密空留海島名溪山共隱逸父老說外平夜靜豚鳴圈簷虛月到楹酒醒仍喚燭方信俗

塵縈

朴盈德自湖南還饋以甘子奉母

海上黃甘抵鵲餘蒙君分與意何如殷勤是箇懷
中物老老仁心正起予

盈德見和四首更以麋肋為贄戲呈

山中赤吏鍛脩餘代報瓊瑤愧莫如數肋橫穿容
或辦將軍競病謾欺予朴能射且貌壯人或起武

春興

叵耐髮蕭蕭堪嗟魏闕遙千峯雪色盡二月鳥聲
嬌覓句乘休日看花怯早朝愧無清靜化民俗厭

征徭

還春塘放翁集并寄梅一枝

春塘朴盈德號

獨嗅梅花葉閑吟陸子詩冰霜真面目風月舊肝
脾處世恒殊調頤神不厭飢平生雋永味為報故
人知

花長寺僧寂然持蘭而至

巖谷成嘉遁胡僧斲白雲風騷曾托契塵土不關
君穗已先春擢香宜八夜聞花蕊與鉅砌閑草謾
氛氲

和克已咏梅五絕

敢為靈均怨蔽賢羈孤澹泊乃其天病夫癡絕能
相識遮莫人看不直錢
極知尤物納交難蜂蝶何曾偷眼看穠李妖桃誇
豔骨暖霜先自不禁寒
亭亭古貌蘩芳塘春在先生拄杖傍刮目幽懷空
脉脉晚風遮斷石樓香
烟雨無心長別枝春風婉婉客將啟攀條可忍聽
羌管老覺乖張百不宜
微吟相狎故園中剩有西湖處七風今日簿書迷
病眼肯妨俞子賭芳託

三月三日與晉州判官崔榮朴盈德吾仲容
元俞克已都生負鄭生負希韶等為楔飲
年光又是暮春初花雨晴來化日舒杖楔豈緣徐
氏女風流空想右軍書縱無絲竹堪娛客喜有溪
山不負予太守扶故民勿訝醉中應得夢華胥
三月初九日與客飲潘溪上克已以事不赴
明日有詩次韵

擷芳賒酒碧溪灣鷗鷺魚蝦樂一般莫訝接羅花
下倒春來纔得此偷閑
白瘦紅飄綠漸肥使君多病廢吟詩潘溪忽爾供

清興飲到林梢月上時

每春月輒傷風今年尤甚有使客來強為迎

接因以增劇閉戶服藥悶悶而作

深深閉戶思難聊暖日和風不我饒九藥何嘗忘
國老烹鮮唯喜失陽橋每因身病慚尸祿敢向王
官懶折腰終擬角巾裝水上野人相與話漁樵

賀春塘納贖 一籬金

咸陽三月鶯花鬧年少仙郎却勝王濛貌金雀屏
間木更巧紫姑吉語誰能撓 里閑相知非管豹
閱閱風流不復鎚銖較但願熊羆新夢覺一生看

得離孫孝

喜雨 水調歌頭

春早年麥盡稿水種愆期四月初三日子
遣郡人朴由信往禱于聖母廟又令童子
呼蜥蜴數日得雨以誌喜

蒼虬久幽蟄赤羽欲燒春東坡西埭俱涸畦龍但
黃塵五月十日不雨無麥無禾可懼念此損精神
二簋雖玄薄玉母眷明裡却喜今朝雲勢好澹平
勻回頭方丈山下雨脚正紛綸滿眼桑麻惹舊四
野鉏耰如織生意一般新我有芳樽酒自酌慶在

民

春塘用工部韵賀兩次韵

長嬴初紀序雷雨浩函生麥颯千畦浪蛙謹雨部
聲揚梅陰處熱巢鷺立邊明庶見豐登樂笙歌滿
一城

甘雨翛翛至嘉禾繹繹生田原俱豫色燕雀亦和
聲笋欲穿階迸花猶翳葉明開樽看物理清興付

詩城

挽晉州牧使權良

年來屬郡荷相知一片襟懷自坦夷喜客情濃呼

酒處醫民仁洽發倉時龍蛇直歲初驚夢柳絮迎
風更助悲回首菁川人不見誰將遺愛紀豐碑

八羅峴

高麗史雲峯要害處是峴申俊冠踰
此屯荒山為我太祖所殲

此地聞要害曾經海島兵喬松巢鵲下廢壘野狐

鳴踰嶺雲烟積登樓襟袖清引月驛村名隨諺改

何處是阿英即雲峯縣三國地理誌一云阿英城

荒山

在雲峯縣引月驛西北二里我太祖
捷也至今樵者所古樹多得矢鏃

時流血滿溪澗七日期不變

白羽彤弓每擲風至今父老說神半鴨江紫氣南
來銳鯨海斑衣一舉空樹木尚啣遺鏃老溪流猶

借晚霞紅當時祖烈真無競何物螟蛉敢自雄

省稼西境沁八羅溪歷坊谷坊谷在郡之十里余改号西溪

勸農職所宣雅志在巖棲遙野偶巡稼故故沁西
溪盤石二三里逝水清無泥行人不堪唾遊魚亦
自迷噴薄翳鳴猿泓澄鑑山雞時從略約渡曲岸
草萋萋唯思曳芒屨豈合散馬蹄荒日隱蒼巒謝
豹雲間啼候吏不省事前呵驚鳧鷺萱花秀石縫
色映漣漪低忘憂寔可喜采采煩詩奚對影出谷
口寒畦連尺隄聞有老蛟睡虎頭悔不攜雲霓久
未吐腥骨真可剗

勸農至馬川宿君子寺早甚是日雨贈通上人

草樹藹前峯遙看水墨濃啜茶聞宿鳥題竹到殘
鐘雅興須探勝孤懷只憫農生公今住錫可喜夜
降龍

龍遊潭曲四絕時克已貞叔後焉潭乃前年
禱雨之處
下有水潛灘

龍遊潭上亂峯腰八簷穿雲接路遙雨裏巖頭澆
飯罷三人長嘯響山椒

龍遊潭畔石磨礮小若窪樽大埴空造化見能容

易辨蒼崖回首想鴻濛

龍遊潭底泯雷音也識前年此日心沃曠蘇枯還

有應不須或躍便為霖 岩上澆飯時有雨

龍遊潭下水如油天影澄澄樹影稠方寸人心真

箇樣纔離激盪即安流

六月大雨十日百川漲溢雨若不止水將及

城出巡潘溪岸悶甚有作

一雨已十日頭流雲不開莽莽萬里閉六合但風

雷旱魃既逐北屏翳還為災正恐天河缺仙槎難

溯洄群山盡呀吐振洩及劫灰豈惟溝塍瀆石捷

為之摧黃流若陣馬崩騰復喧騰潘溪一綫甬江

海何雄哉偃蹇百年樹其根蟠九陔顛倒隨漂砂

何異樸檉材桑麻水府遠離落盤渦回婦哭矮屋

底鷄窠窮僻隈孤城僅如斗樓堞東西頽縱起蟠

掩想吾民實可哀甘霖化苦雨仰訴天恢恢

大水後與裴安陰季厚柳居昌子忠同詣陝

川迎教書夜渡加祚川宿勸賓驛六月初四

泂牒向江陽乾坤未清霽翩翩三鳧行邁唯恐

泥澗谷有狂濤僕夫愁揭厲深夜路嶮嶇輕齎亦

顛蹶飢虎我前嘯閃電我後掣焉能更畏懼文字

怨狼交噬角互應答堪備一夕衛時於驢背吟學
作推敲勢郵吏遠來迎松明光矍矍茅屋隔桑麻
相彘人語細偃僕坐方牀形神逾困廢忘餐共枕
藉睡中成陰響且復候晨鷄前途入雲際朝南頭
峻丈夫自有後斯勞宜拄杖

自陝川啟還春塘馬以詩為謝

穿林盡日石龍從度壑通霄水擊春往返陝川三
百里行人爭道馬如龍

流頭日飲于鄉校貽少游

玉堂金馬夢魂微刮目看君柳汁衣為問膠庠二

三子藏修游息與誰敵

山城無事漫為官伏日烹羊古所歡一醉真拚河
朔飲從教薄俗笑儒冠

丹城樓下泛舟

樓在江干江水深南雲擁日峯陰陰欲墮猶懸紫
崖石如歌更咽荒林禽二年趨走阻青瑣一棹飄
颿儻素心使君鬻酒不可負物色此間撩我吟

立秋六月二十三日

圭葉落連際還驚斗指申腰間絨竹使日下戀楓
宸歲事賜兼雨塵懷故復新呼燈看一札堯舜讓

為仁

七夕邀春塘

河邊靈匹度雲車
世上穿針術已踈
學士樓前月如練
請君來曬腹中書

